

1 - JINSI YA KUJUA WAKATI UJAO



1

Njazi ya Zamani yananena Sasa



2

Huku mawazo yake yakiwa mbali, msomi mmoja alikuwa akisafiri kwa treni hali akiwa amebobea katika usomaji. Mwangalizi (conductor) akapita akiulizia tiketi. Msomi akachomeka mkono wake katika mifuko yote bali hakuipata. Akaanza kutafuta tena kama kwa hasira .

Hivyo mwangalizi akasema, kwa upole, Usijali, bwana, utakapoipata, itume kwa kampuni. Nina hakika unayo. Msomi alijibu kwa hofu Lakini huelewi imenipasa kuipata sasa! Ninaihitaji ile tiketi ili nifahamu ni wapi ulimwenguni ninakoelekea! Mamilioni ya watu ulimwenguni wanauliza, Ni wapi ulimwenguni tunakoelekea? Wakati ujao yaelekea haueleweki. Wamechanganyikiwa. Wanashangaa dunia yetu inaelekea wapi. Hatuhitaji kuwa na wasiwasi tena. Miaka elfu mbili na mia sita iliyopita ndoto ya mfalme wa zamani ilielezea historia ya dunia Yetu.



3

Wanasayansi wanasema ya kwamba sisi sote huota ndoto kwa kawaida mara kadhaa kila usiku. Lakini ndoto zetu nyingi, hatuzikumbuki.



4

Pengine ndoto ya kukumbukwa zaidi iliyopata rekodiwa katika historia ilitokea usiku mmoja zaidi ya miaka 2,600 iliyopita katika ufalme wa kale wa Babeli.

Kisa cha ndoto kimeandikwa vema, kiliandikwa na kisha kikaelezwa na mtu aliyepitia katika uzoefu wake.

1 - JINSI YA KUJUA WAKATI UJAO



5

Kitabu cha Biblia cha Danieli, sura ya pili, kinaeleza kisa.

Hata hivyo, mtu aliyepata ndoto hii, mfalme mwenye nguvu Nebukadneza, hakuweza (au asingeweza) kukumbuka kile alichokiota! Alijua haikua ndoto ya kawaida. Alijua ndoto hii yenye fumbo lazima ilikuwa na tafsiri ya muhimu sana. Na kwa kweli, ilikuwa hivyo!



6

Mungu alikuwa amempatia ndoto iliyokuwa ikitupatia kwa ufupi historia ya dunia--hasa ya Ulaya na Mashariki ya Kati--tokea nyakati za Nebukadneza hadi mwisho wa wakati!



7

Mungu ashukuriwe ya kwamba alishiriki pamoja nasi kile ambacho kipo katika wakati ujao.

Babeli, ufalme wa kwanza wa dunia, ulikuwa ndiwo mkubwa kuliko falme zote, wenye utajiri kuliko zote, na wenye nguvu kuliko falme zote katika ulimwengu wa wakati ule.

Ulikuwa pia na mfalme aliyekuwa na nguvu kuliko wote.

Huyu kiongozi wa watu alikuwa amefaulu kwa kutumia nguvu kuwaweka chini maadui zake mmoja baada ya mwingine hadi ufalme wake uliposimama kama Malkia wa mataifa.



8

Katika mwaka wa pili wa utawala wake, Mfalme Nebukadneza alikweda kitandani huku akijiuliza kama ufalme wake ungedumu kwa muda mrefu kiasi gani.

Yeye, kama watawala wengine, alitaka kujua juu ya wakati ujao.

Usiku ule, Mungu alitizama chini toka mbinguni na akachagua kumkabidhi huyu mtawala wa kiimla aliyekuwa pia mkarimu sura ya wakati ujao.

1 - JINSI YA KUJUA WAKATI UJAO



9

Wakati mfalme alipoamka toka katika usingizi wake wa mang'amung'amu, alikuwa na wasiwasi. Alikuwa ameona ndoto, na alijua kwamba ilikuwa na jambo la muhimu sana, lakini hakuweza kukumbuka ni jambo gani? Kwa Wababeli ndoto zilikuwa na umuhimu sana, na mfalme alitaka kujua ndoto na tafsiri yake.



10

Kwa kweli, alikuwa na wanajimu, wachawi, waganga, na wasihiri. Hakika wangeweza kumwambia ilikuwa na nini (hiyo ndoto) na maana yake. Licha ya kuwa ni mapema sana, waliitwa mahakamani. Walipoingia na kusimama mbele za mfalme, aliwaambia



11

(Fungu: Danieli 2:3)
...Nimeota ndoto, na roho yangu imefadhaika hata nijue tafsiri yake.
Danieli 2:3



12

Watu hawa walikuwa kama wengi wanaojidai kujua na kutabiri juu ya wakati ujao. Wangeliweza kukisia katika kutafsiri ndoto, lakini kwa kweli hawakujua maana ya ndoto. Walisimama kwa muda. Hatimaye wakasema,



13

(Fungu: Danieli 2:4)
...Ee Mfalme, uishi milele; tuambie sisi watumishi wako ile ndoto, nasi tutakuonyesha tafsiri yake. Lakini ujasiri wao ulipotea mara, wakati huyu mfalme mwenye kutakabari, hali akiwa amechoshwa na uchuuzi wao, aliposema,



14

(Fungu: Danieli 2:5,6)
Mfalme akajibu, akawaambia Wakaldayo, (uamuzi wangu ni thabiti):

1 - JINSI YA KUJUA WAKATI UJAO



15

Neno lenyewe limeniondoka; msiponijulisha ile ndoto na tafsiri yake, mtakatwa vipande vipande,



16

na nyumba zenu zitafanywa jaa.



17

Bali kama mkinionyesha ile ndoto na tafsiri yake, nitawapa zawadi




18

na thawabu na heshima nyingi; basi nionyeshe ile ndoto na tafsiri yake.'
Mafungu 4-6.




19

Kwa mara nyingine wakajaribu kumfanya mfalme aeleze ndoto. Mfalme alikuwa amewang'amua sasa ya kwamba walikuwa walaghai. Aliwatisha tena, hatimaye wakakiri,



20

(Fungu: Danieli 2:10, 11)
Wakaldayo wakajibu mbele ya mfalme, wakasema, 'Hapana mtu duniani awezaye kulionyesha neno hili la mfalme;



21

kwa maana hapana mfalme, wala bwana, wala liwali, aliyetaka neno kama hili kwa mganga, wala kwa mchawi wala kwa Mkaldayo



22

...wala hapana mwingine awezaye kumwonyesha mfalme neno hilo ila miungu, wasio na kikao pamoja na wenye mwili.
Danieli 2:10,11.

1 - JINSI YA KUJUA WAKATI UJAO



23

Biblia yasema mfalme alighadhibika na kuwaamuru askari wake kuwaua wenye hekima wote.



24

Bahati mbaya, Danieli na vijana watatu wa Kiebrania pamoja naye walikuwa katika kundi la wenye hekima, ingawa hawakuwepo pamoja na wenye hekima wakati mfalme alipodai maelezo ya ndoto yake.

Wakati askari walipokuja kumchukua Danieli ili wakamuue, alishtuka, lakini akaomba muda ili apate kuwasiliana na Mungu ambaye makazi yake hayakuwa pamoja na wenye mwili, na kuuliza hekima ya kumfahamisha mfalme ndoto yake. (Mafungu 12 - 15).



25

Mfalme, kwa sababu ya heshima yake kwa huyu kijana mwaminifu, alimpatia Danieli muda wa kuzungumza na Mungu wake -- Mungu wa uumbaji. Wajibu mkubwa kiasi gani uliwekwa mabegani mwa Danieli.

Siyo tu maisha yake na ya rafiki zake watatu yaliwekwa rehani, bali pia maisha ya wenye hekima wote wa Babeli!

Danieli alirejea nyumbani mwake ambapo alieleza hali.



26

Wote walililia rehema za Mungu wa mbinguni ili kufunua siri hii, ili wasiuawe pamoja na wenye hekima wengine wote wa Babeli.

Ulikuwa ni mkutano wa maombi wa muhimu kiasi gani huu!

Vijana wa Kiebrania wanne wakisali kwamba Mungu afunue ndoto ya mfalme mpagani kabla ya tarehe ya kutisha! (Mafungu 16 - 18).

1 - JINSI YA KUJUA WAKATI UJAO



27

Biblia yasema ya kwamba Mungu wa Danieli usiku ule ule alifunua hii ndoto ya siri katika njozi ya usiku.

Mungu wa mbinguni hakushindwa kusikia na kuheshimu sala zile!

Hivyo Danieli akambariki Mungu wa mbinguni na kusema,



28

(Fungu: Danieli 2:23)

Nakushukuru, nakuhimidi, Ee Mungu wa baba zangu, uliyenipa hekima na uwezo,



29

ukanijulisha hayo tuliyotaka kwako; maana umetujulisha neno lile la mfalme. Fungu la 23. Kulikuwa na shangwe kiasi gani mioyoni mwa Danieli na marafiki watatu wa Kiebrania!

Danieli alikwenda haraka kwa mkuu wa mauaji, Arioko, kama Biblia isemavyo:



30

(Fungu: Danieli 2:24)

Basi Danieli akaenda kwa Arioko, aliyewekwa na mfalme kuwaangamiza wenye hekima wa Babeli;



31

Alikwenda akamwambia hivi: Usiwaangamize wenye hekima wa Babeli. Niingize mimi mbele ya mfalme, nami nitamwonyesha mfalme ile tafsiri.

Danieli 2:24



32

Danieli alipokuja mbele za mfalme, Nebukadneza alimuuliza kama alikuwa anaweza kumfahamisha kile yeye mfalme alichokiota--pamoja na tafsiri yake.

Hebu tutazame jinsi Danieli alivyomjibu mfalme:

1 - JINSI YA KUJUA WAKATI UJAO



33

(Fungu: Danieli 2:27,28)

Ile siri aliyoiuliza mfalme, wenye hekima hawawezi kumfunulia mfalme; wala wachawi, wala waganga, wala wanajimu;



34


Lakini yuko Mungu mbinguni afunuaye siri, naye amemjulisha mfalme Nebukadneza mambo yatakayokuwa siku za mwisho... (Mafungu 27 - 28).



35

Tambua ya kwamba Danieli hakutaka sifa kwa ajili ya ujuzi wake.


Alijua kwamba ni Mungu pekee awezaye kufunua juu ya wakati ujao.



36

(Fungu: Isaya 46:9,10)

Bila ya shaka alikuwa amejifunza Isaya 46:9,10: ...Maana mimi ni Mungu, wala hapana mwingine; mimi ni Mungu, wala hapana aliye kama mimi;



37

nitangazaye mwisho tangu mwanzo, na tangu zamani za kale mambo yasiyotendeka bado; nikisema, Shauri langu litasimama, nami nitatenda mapenzi yangu yote.



38

Hekima ilitoka kwa Mungu, aliyechukua nafasi hii kueleza kwa ufupi historia ya dunia kwa zaidi ya miaka 2,600 kwa Mfalme Nebukadneza na kwetu. Kwanza, Danieli anaeleza uhalisi wa ndoto hii ambayo mfalme aliiota:



39

(Fungu: Danieli 2:29)

Wewe, Ee mfalme, mawazo yako yaliingia moyoni mwako kitandani pako ya mambo yatakayokuwa halafu;



40

na yeye afunuaye siri amekujulisha mambo yatakayokuwa. [katika siku za baadaye] Danieli 2:29.

1 - JINSI YA KUJUA WAKATI UJAO



41

(Fungu: Danieli 2:31)

Kisha, Danieli anaeleza ndoto:

Wewe, Ee Mfalme, uliona, na tazama, sanamu kubwa sana.



42

Sanamu hii, iliyokuwa kubwa sana, na mwangaza wake mwingi sana, ilisimama mbele yako; na umbo lake lilikuwa lenye kutisha.

Fungu 31.



43

Je, si waweza hata kumsikia mfalme akisema kwa msisimko,

Ndiyo, ndiyo-ndiyo hiyo! sanamu ya kutisha, ikisimama juu kuliko vyote!

Danieli anaieleza ndoto kwa uwazi kiasi kwamba Nebukadneza hana shaka hiyo ndiyo ndoto ile ile aliyoiota.




44

(Fungu: Danieli 2:32,33)

Kisha Danieli anaendelea:

Na sanamu hii kichwa chake kilikuwa ni cha dhahabu safi; kifua chake na mikono yake ni ya fedha; tumbo lake na viuno vyake ni vya shaba;



45

miguu yake ni ya chuma; na nyayo za miguu yake nusu chuma na nusu udongo.



46

Kwa mshangao, Nebukadneza anasikiliza Danieli anapoeleza sehemu zote zitengenezazo sanamu sawasawa kabisa na jinsi alivyoiona katika ndoto. Kichwa kilikuwa ni dhahabu safi ing'aayo.

Kifua pamoja na mikono, ilikuwa ni madini yenye upungufu kidogo wa mng'ao (ukilinganisha na dhahabu) - Fedha.

Tumbo na viuno vyake vilikuwa shaba.

Miguu yake ilikuwa chuma, na nyayo zilikuwa mchanganyiko wa udongo na chuma.

1 - JINSI YA KUJUA WAKATI UJAO



47

(Fungu: Danieli 2:34,35)

Nawe ukatazama hata jiwe likachongwa bila kazi ya mikono,



48

nalo jiwe hilo likaipiga sanamu miguu yake, iliyokuwa ya chuma na udongo, likaivunja vipande vipande.



49

Ndipo kile chuma, na ule udongo, na ile shaba, na ile fedha, na ile dhahabu, vilivunjwa vipande vipande pamoja



50

vikawa kama makapi ya viwanja vya kupepetea wakati wa hari; upepo ukavipeperusha hata pasionekane mahali pake;



51

Kilichofuata mfalme lazima alishtuka kuona jiwe likitoka mbio mahali asipopajua na likiwa na kasi kubwa sana, likaipiga miguu ya sanamu, likaisaga saga, na kisha kwa mshindo likaivunja vunja na kuiponda ponda sanamu nzima hadi ikawa mavumbi laini kiasi kwamba upepo ulifutilia mbali bila kuacha alama.



52

(Fungu: Danieli 2:35)

Na lile jiwe lililoipiga hiyo sanamu likawa milima mikubwa likaijaza dunia yote.

Danieli 2: 29-35

1 - JINSI YA KUJUA WAKATI UJAO



53

Ndiyo, Danieli, lazima mfalme alisema, jiwe lilikatwa bila ya mikono ya mtu na kusaga sanamu na kuwa mlima ulioijaza dunia.

Ndoto nzima ilikuwa tu kama jinsi mfalme alivyoiota. Fikiria jinsi Nebukadneza alivyoshangaa kuelezwa na huyu kijana aliyeheshimika ndoto yake kwa undani kabisa kama jinsi alivyoiona yeye mwenyewe!



54

Jambo moja lazima lilikuwa bayana kabisa kwa mfalme, hakuna mtu ambaye angeweza kufunua hili kwa Danieli, hakuna mtu awezaye kueleza kile alichokiota mtu mwingine! Ingekuwa tu imetokea kwa uwezo wa ki-ungu.



55

Yawezekana kabisa mfalme alijihoji kwamba ndoto hii ilikuwa na uhusiano gani naye. Twaweza kuwa na wazo la namna iyo hiyo. Hata hivyo, ndoto ya Nebukadneza, inatabiri kuinuka na kuanguka kwa mataifa muhimu ya dunia.

Falme zilizowakilishwa katika ndoto hii zimeathiri kwa njia fulani kila taifa duniani, hasa nyakati hizi za kisasa.



56

Kwa maneno machache tu, Mungu alifupisha mambo muhimu ya historia tangu wakati wa Babeli - miaka 600 kabla ya Kristo - hadi kilele cha historia ya Dunia.

Hatimaye, Danieli anafikia katika kiini cha ndoto.



57

(Fungu: Danieli 2:38)

Huku akimkabili mfalme usoni, Danieli alisema:

Wewe u kichwa kile cha dhahabu.

Fungu la 39.

Babeli ilikuwa kichwa -- taifa la dhahabu safi!

Tabasamu la ridhaa lazima lilitokea usoni mwa mfalme aliposikia maneno haya.

1 - JINSI YA KUJUA WAKATI UJAO



58

Ushindi wa kijeshi pamoja na fahari ya sanaa ya Babeli ilizidi zote. Wanahistoria wanathibitisha ya kwamba dhahabu ilikuwa ni alama iliyostahili kuwakilisha ufalme wa Babeli.



59

Dhahabu ilitumika kwa wingi katika kupamba majengo ya Babeli. Tazama maelezo ya mwanahistoria mmoja juu ya jiji hili kuu la kale:



60

Likiwa katika bustani ya mashariki; likiwa limejengwa katika mraba kamili...likiwa na handaki au mfereji kulizunguka.....



61

malango yake ya shaba, bustani zake zikiwa zimeinuka tuta juu ya tuta...ikulu zake mbili za kifalme.....




62

Pale, nchi yote ikiwa imelala chini yake, malkia katika utukufu usio na kifani.....



63

lilisimama jiji hili, makao makuu yanayostahili ya ufalme uliowakilishwa na kichwa cha dhahabu.
- Uriah Smith, Unabii wa Danieli na Ufunuo, Uk. 33, 34.



64


Bustani za ajabu za Babeli zilikuwa kati ya Maajabu Saba ya Ulimwengu wa Kale!

1 - JINSI YA KUJUA WAKATI UJAO



65

Kama Danieli angelikuwa mwanasiasa hodari akijaribu kujijengea jina lake katika Babeli, angeachia ufasiri wake wa ndoto hapa. Lakini Danieli alikuwa na ujumbe ambao Mungu alitaka ufunuliwe kwa dunia--ujumbe ambao haukuwa kwa wakati wake tu, bali pia ambao ungekuwa muhimu hadi mwisho wa historia ya Dunia.




66

(Fungu: Danieli 2:39)
Hivyo Danieli kwa unyenyekevu lakini kwa ujasiri alitamka kwa mfalme hivi:
Na baada ya zamani zako utainuka ufalme mwingine mdogo kuliko wewe;
Danieli 2:39.



67

Yawezekana kabisa tabasamu ya mfalme ilipotea upesi mara aliposikia maneno hayo ya Danieli. Mtawala huyu mwenye kiburi wa Babeli yawezekana hakuruhusu kamwe wazo la kwamba taifa jingine lolote lingepata kuitawala dunia.



68

Kwa kweli, wanaakiolojia wamechimbua bamba za udongo zilizoandikwa na Nebukadneza maneno haya:



69

Ngome za Esagila na Babeli niliziimarisha na kuthibitisha jina la utawala wangu milele.



70

(Fungu: Danieli 4:30)
Biblia yasema ya kwamba Nebukadneza mwenye kiburi akanena, akasema, 'Mji huu sio Babeli mkubwa,

1 - JINSI YA KUJUA WAKATI UJAO



71

nilioujenga mimi, uwe kao langu la kifalme, kwa uwezo wa nguvu zangu, ili uwe utukufu wa enzi yangu?' Danieli 4:30

Hata hivyo, Mungu alisema ya kwamba mamlaka nyingine ingeinuka ambayo ingeuondoa ufalme wa dhahabu wa Babeli.

Na Danieli aliishi na kushuhudia hilo likitokea.



72

Wakati wa utawala wa Belshaza, mjukuu mwenye majivuno na kiburi wa Nebukadneza, Koreshi Mmedi aliuzingira Babeli.




73

Mwezi wa Oktoba 13, 539 K.K., ufalme wa dhahabu wa Babeli ulifikia mwisho usio na utukufu!



74

Tambua ya kwamba Mungu alikuwa ametabiri kwa yakini kabisa na nani na jinsi gani jiji lingetwaliwa. Karibia miaka 200 kabla ya kuanguka kwa Babeli,



75

(Fungu: Isaya 45:1)

Mungu, kupitia kwa nabii Isaya , alisema:

Haya ndiyo BWANA amwambiyayo Koreshi, Masihi wake, ambaye nimemshika mkono wake wa kuume, ili kutiisha mataifa mbele yake



76

nami nitalegeza viuno vya wafalme; ili kufungua milango yake, hata malango hayatafungwa. Isaya 45:1.



77

Mungu alieleza hata kwamba ni nani ambaye angeitenda kazi hii: Koreshi Mmedi, miaka 150 kabla ya kuzaliwa kwake.

1 - JINSI YA KUJUA WAKATI UJAO



78

Koreshi asingeweza kuvunja kuta, kwani zilikuwa ndefu sana, na nene sana, hivyo akabuni njia nyingine:

Angeligeuza mwelekeo wa maji ya mto ambao ulikuwa ukipita katiwa ya jiji, na jeshi lake lingepita chini ya mto (pakavu) hadi walipopata njia ya kuingilia jijini.

Mtu fulani, kwa sababu ya uzembe au usaliti, aliacha malango ya ndani makubwa ya shaba bila ulinzi na yakiwa wazi!



79

Askari wa Koreshi waliingia jijini na kumuua mfalme na waheshimiwa wake walipokuwa wakinywa mvinyo kwa kutumia vyombo vya dhahabu vilivyochukuliwa na Mfalme Nebukadneza wakati alipoliteka jiji la Yerusalemu.

Alikuwa amepora vyombo vya dhahabu toka kwa hekalu la Sulemani, miaka ya nyuma.



80

Danieli alikuwa ametabiri ya kwamba baada ya ufalme wa Babeli, ufalme mwingine ulio mdogo kwa Babeli, uliowakilishwa kwa kifua na mikono ya fedha, ungechukua madaraka.



81

Serikali ya Wamedi na Waajemi ilikuwa kwa kweli ndogo kwa Ufalme uliotukuka wa Babeli, lakini ulitawala Mashariki ya Kati kwa karne mbili. Danieli alitabiri ya kwamba ufalme wa fedha ungekuwa na mipaka yake pia:



82

(Fungu: Danieli 2:39)

...Na baada ya zamani zako...ufalme mwingine wa tatu, wa shaba, utakaoitawala dunia yote.

Danieli 2:39

Je, hili lilitokea? Kweli, hakika!

1 - JINSI YA KUJUA WAKATI UJAO




83

Utabiri wa sanamu hii ya madini, tumbo la shaba na kiuno cha shaba, ulitimia wakati Jenerali aliyetukuka, Aleksanda Mkuu, alipomshinda Dario wa tatu wa Uajemi katika Pambano la Arbela mwaka wa 331 KK na hivyo ufalme wa tatu ukawa Uyunani!



84

Katika umri wa ujana wa miaka 25, kijana Aleksanda akawa mtawala wa moja ya falme kubwa sana iliyowahi kuwepo duniani.



85

Mwana historia wa Kiyunani Arian, akiandika juu ya Aleksanda, alisema, Nina amini ya kwamba hakukuwa na taifa, jiji, wala watu....ambapo jina lake halikufika...



86

Yaonekana kwangu ya kuwa kumekuwa na mkono wa kimbangu uliopelekea kuzaliwa kwake na matendo yake.

- Maktaba ya Kihistoria, kitabu cha 16, sura ya 12.



87

Sawa sawa kabisa na madini ya tatu katika ndoto ya Nebukadneza, silaha ambazo kwa wingi zilivaliwa na jeshi la Kiyunani lililokwenda kwa miguu, zilitengenezwa kwa shaba.



88

Aleksanda alikufa kwa homa kabla ya siku yake ya kuzaliwa ya mwaka wake wa 33.

Baada ya kufa kwake, ufalme wake ulidhoofika na kugawanyika sehemu kadhaa hadi hatimaye;



89

Juni 22, 168 K.K.,katika Pambano la Pydna, ufalme wa Aleksanda Mkuu ulimalizika, miaka 144 baada ya kufa kwake.

-Historia ya Rumi, kitabu cha 3, Sura ya 10.

1 - JINSI YA KUJUA WAKATI UJAO



90

Sasa unakuja utawala wa kutisha kuliko zote kati ya hizi falme za kale.
Unakumbuka kwamba Mungu alitabiri ya kwamba kungekuwa na falme nne za dunia, moja baada ya nyingine.



91

Kwa kweli, miguu ya chuma ilieleleza vyema mamlaka katili iliyokuwa ikiangamiza ya ufalme wa nne wa dunia.
Hivi ndivyo Danieli alivyoeleza kwa mfalme:



92

(Fungu: Danieli 2:40)
Na ufalme wa nne utakuwa na nguvu mfano wa chuma..... (Danieli 2:40).



93

Kaisari wake walijiita miungu na walidai ibada na kicho toka kwa watu wote.
Ulikuwa wakati huu wa utawala wa Kirumi wakati matukio mawili yenye umuhimu sana yalipotokea katika taifa hili.



94

1. Yesu alizaliwa katika Bethlehemu.
Alikuwa ni Gavana wa Kirumi aliyetoa tamko la kuwaua watoto wote wa kiume waliokuwa na umri wa miaka miwili kwenda chini katika Bethlehemu.
Alitarajia kumuua Yesu . Na



95

2. Yesu alisulubiwa katika Yudea, chini ya mamlaka ya Kirumi.
Liwali wa Kirumi aliruhusu Yesu ahukumawe.
Yesu alipigiliwa msalabani na askari wa Kirumi, na muhuri wa Kirumi uliwekwa juu ya kaburi la Yesu kujaribu kumzuia humo.
Sasa mfumo wa unabii ukabadilika.
Hakuna UFALME WA DUNIA mmoja ambao ungefuatia ule wa Rumi.

1 - JINSI YA KUJUA WAKATI UJAO



96

(Danieli 2:41,43)

Danieli aliandika: Na kama vile ulivyo ziona hizo nyayo za miguu na vidole vyake, kuwa nusu udongo wa mfinyanzi, na nusu chuma,



ufalme ule utakuwa ufalme uliogawanyika.....



98

...watajichanganya nafsi zao kwa mbegu za wanadamu; lakini hawatashikamana,



99

kama vile chuma kisivyoshikamana na udongo. Danieli 2:41,43



100

Kwa maneno mengine, nabii alitabiri, hakutakuwa na ufalme wa tano wa dunia, bali utakuwa ni mgawanyiko wa ufalme wa chuma wa Rumi utakaotokea.



101

Rumi ilikuwa igawanyike katika falme kadhaa



102

Nyuzi nyuzi za chuma za huu ufalme mkubwa wa Rumi ambao ulitawala kwa karibu miaka 600 zilisambaa.

1 - JINSI YA KUJUA WAKATI UJAO



103

Kwa njia ya anasa, mchafuko wa kisiasa, na uozo wa maadili, Rumi ilipoteza msimamo wake na nguvu yake, ikawa mawindo rahisi kwa makabila makorofi yaliyoanza kuvamia ufalme kati ya 351 B.K. na 476 B.K.



104

Mfalme Augustus aliondolewa, na Rumi ikagawanyika katika sehemu ndogo ndogo nyingi zilizowakilishwa na nyayo na vidole vyake vilivyokuwa mchangayiko wa chuma na udongo katika ile sanamu.



105

(Fungu: Danieli 2:43)

Na kama ulivyokiona kile chuma kimechanganyika na udongo wa matope, watajichanganya nafsi zao kwa mbegu za wanadamu;



106

lakini hawatashikamana, kama vile chuma kisivyoshikamana na udongo.

Danieli 2:43.

Uvamizi wa hawa wakorofi katika Rumi uliigawanya falme.

Migawanyiko hii iliyowakilishwa na nyayo za chuma na udongo, ilitengeneza misingi ya mataifa yaliyopo Ulaya leo.



107

Kumi kati ya hayo makabila makatili yanaorodheshwa hivi na wanahistoria wengi: Alamanni - Wajerumani, Burgundians - Waswisi, Franks - Wafaransa, Lombards - Waitalia, Saxons - Waingereza



108

Suevi - Wareno, Visigoths - Wahispania kisha Heruli, Ostrogoths, Vandals - wamepotea au kuchanganyika na mataifa mengine yaliyowazunguka.

1 - JINSI YA KUJUA WAKATI UJAO



Tamko la Mungu ya kwamba hizi falme kamwe hazitaunganika kama ufalme wa dunia tena linazuia kile haya mataifa yanachokifanya.



Ulaya itasalia katika mgawanyiko. Kamwe hawatakaa pamoja!
Hata pamoja na soko la Ulaya na Fedha ya aina moja, bado wamegawanyika.



Alisema kwamba hata kama watajichanganya na mbegu za wanadamu. Kwa maneno mengine, jamii za kifalme zingeoana.



Katika Ikulu ya Denmark, kipo kielelezo kionyeshacho familia za kifalme za Ulaya. Wote walikuwa na undugu! walitarajia ingezuia vita. La, hilo halikufanikiwa.



Hawakuweza kupatana. Hivyo, vita vingi vilivyokuwa Ulaya vilikuwa ni ugomvi wa kifamilia! Mungu alitabiri ya kwamba wasingeliweza kushikamana. Walijaribu kuuweka Ufalme wa Kirumi pamoja tena, lakini hili lisingedumu, kama jinsi chuma na udongo visivyoweza kushikamana!



Fikiria juu ya majaribio mengi ambayo yamefanyika ili kuunganisha mataifa ya Ulaya yawe pamoja tena. Nini kilitokea kwa hawa ambao wangelikuwa viongozi wa dunia, hawa waliojaribu kuiunganisha Ulaya iliyogawanyika?

1 - JINSI YA KUJUA WAKATI UJAO



115

Charlemagne - ALISHINDWA, Charles V - ALISHINDWA, Louis XIV - ALISHINDWA, Napoleon - ALISHINDWA, Kaiser Wilhelm - ALISHINDWA, Hitler - ALISHINDWA

Akiwa uhamishoni katika kisiwa cha Elba, Napoleon -- Yule shujaa mkubwa wa Ufaransa katika miaka ya mapema 1800-- alikiri ya kwamba Mungu alikuwa amemzidi mno.

Mungu alikuwa amewazidi mno wote!



116

Mungu alikuwa amesema, HAWATASHIKAMANA! Kauli nzuri ifaayo kwa kumbukumbu ya wale ambao - wangekuwa - watawala wa dunia!

Hata hivyo, watu bado wanajaribu kuunganisha nchi za Ulaya pamoja, lakini haziwezi kuungana pamoja, kama jinsi Mungu alivyosema!

Wanaweza kukutana pamoja, bali hawawezi kushikamana!



117

Lazima Nebukadneza alishangazwa na haya mabadiliko katika unabii.

Mungu alitabiri maangamizi ya falme kuu nne za dunia. Alitabiri ya kwamba Rumi ingefuatiwa na mataifa kadhaa, saba kati yao yakiwa yamewakilishwa katika Ulaya Magharibi leo -- baadhi yakiwa yenye nguvu, baadhi dhaifu, lakini yote yakiwa yamegawanyika bila matumaini.



118

Kitu gani kingefuatia?

Huku akidhihirisha furaha na ujasiri, Danieli sasa alifikia kilele cha kushtua katika kutafsiri ndoto ya sanamu hii kuu ya madini. Aliandika



119

(Fungu: Danieli 2:44, 45)

Na katika siku za wafalme hao, Mungu wa mbinguni atausimamisha ufalme ambao hautaangamizwa milele.

1 - JINSI YA KUJUA WAKATI UJAO



120

wala watu wengine hawataachiwa enzi yake; bali utavunja falme hizi zote vipande vipande na kuziharibu, nao utasimama milele na milele.



121

Na kama vile ulivyoona ya kuwa jiwe lilichongwa mlimani bila kazi ya mikono--



122

na ya kuwa lilivunja-vunja kile chuma, na ile shaba na ule udongo, na ile fedha, na ile dhahabu;



123

basi Mungu aliye mkuu amemjulisha mfalme mambo yatakayokuwa baadaye; na ndoto hii ni ya hakika na tafsiri yake ni thabiti.
Danieli 2:44, 45.



124

Tukio kuu litakalofuata katika jukwaa la historia ya mwanadamu litakuwa ni kuja kwa mara ya pili kwa Kristo na kusimamishwa kwa ufalme Wake, uliowakilishwa na jiwe lililochongwa bila kazi ya mikono.

Ufalme wake utawekewa msingi, siyo kwa mikono ya wanadamu, bali kwa mkono wenye nguvu wa Mungu -- ufalme utakaoijaza dunia nzima.



125

(Fungu: Ufunuo 11:15)
Hapo utakuwa umetimizwa unabii,
.....Ufalme wa dunia umekwisha kuwa ufalme wa Bwana wetunaye atamiliki hata milele na milele.
Ufunuo 11:15.



126

Tazama matukio ya mwisho yaliyomo katika unabii huu wa kushangaza wa Kitabu cha Danieli:

1 - JINSI YA KUJUA WAKATI UJAO




127

Kuja kwa Yesu mara ya Pili.



128

Mataifa ya dunia yatafikia mwisho.



129

Mungu atasimikisha Ufalme Wake.




130

Ufalme huu utadumu milele.



131

Yesu atatawazwa kama Mfalme wa Wafalme na Bwana wa Mabwana.



132

Anakuja duniani kutawala ufalme wa milele.



133

Wakati Danieli alipomaliza kumueleza mfalme tafsiri ya njozi yake hii ya kutisha, Mfalme Nebukadneza aliinuka kutoka kwenye kiti chake cha enzi na kwa unyenyekevu akajilaza chini mbele za Mungu mkuu wa Danieli, ambaye hekima yake na uwezo wake vilikuwa vimedhihirika kwa nguvu kiasi kile.

1 - JINSI YA KUJUA WAKATI UJAO



134

(Fungu: Danieli 2:47)

Mfalme alimwambia Danieli, ...Hakika Mungu wenu ndiye Mungu wa miungu, na Bwana wa wafalme, awezaye kufumbua siri,.....

Danieli 2:47.

Kweli, Mungu wa Danieli ndiye Mungu ninayemtaka awe Mungu wangu -- Mungu anayeshikilia maisha ya kesho mikononi Mwake!



135

Kwa kutumia hili sanamu kubwa la madini lililoonwa na Nebukadneza katika ndoto yake karne sita kabla ya kuzaliwa kwa Kristo, Mungu alifunua siri za karne zilizokuwa zinakuja!



136

Ndiyo, rafiki, Ndoto hii ni ya hakika, na tafsiri yake ni thabiti!

Safari imekaribia kuisha!

Tukio kuu linalofuata ni la Kristo kuja katika mawingu kusimika ufalme Wake wa milele.



137

Falme zilizowakilishwa na dhahabu, fedha, shaba, na chuma zote zimepita katika historia.

Na tukio linalofuata la utukufu ni la kuja kwa Bwana wetu hivi karibuni!



138

Amepanga kesho ya kupendeza ambayo

imewezekana tu kwa njia ya msalaba uliomwagikiwa damu pale Kalvari.

Ni kipindi kifupi tu hadi haya yote yatakapotimia.

Sasa hivi Mungu anaandaa ufalme Wake na wale watakaokuwa sehemu ya ufalme ule.

1 - JINSI YA KUJUA WAKATI UJAO



139

Twaweza kuwa na uhakika ya kuwa tutakuwa sehemu ya huo kama tu, kwa imani, tutatenda kile ambacho yule mwizi msalabani alitenda alipokuwa amening'inia kati ya mbingu na dunia akiwa karibu na Yesu.

Asingeweza kuja karibu zaidi na Yesu, lakini alijua ya kwamba alikuwa mdhambi na kwamba alihitaji kuokolewa toka kwa dhambi alizokuwa amezitenda. Alimtizama Mwokozi wa ulimwengu na kuona damu ikichuruzika usoni pake toka katika kipaji chake kilichochomwa na miiba.

Moyo wake uliguswa. Alikiri dhambi zake na kulia,



140

(Fungu: Luka 23:42)

Ee Yesu! Unikumbuke wakati utakapoingia katika ufalme wako.

Luka 23:42.

Na Yesu alimpatia uhakika ya kwamba angekuwa naye katika Ufalme.



141

Wewe, pia, waweza kusali sala ile na kupokea uhakika ule ule ya kwamba utakuwa pamoja na Kristo katika Ufalme wake ambao utasimikwa hapa duniani hivi karibuni.



142

(Fungu: Mathayo 25:34)

.....Njoni enyi mliobarikiwa na Baba yangu; pokeeni Ufalme mliotayarishiwa tangu kuumbwa kwa ulimwengu. ...



143

Dunia hii haipo mikononi mwa mwanadamu. Ipo mikononi mwa Mungu. Twaweza kukabili wakati ujao kwa ujasiri mkuu. Kristo atakuja hivi karibuni. Jiwe lililokatwa bila mikono ya mtu litaliponda sanamu.

Falme za dunia zitaanguka.

Mungu ataleta ufalme wake wa Milele, wenye kudumu.

1 - JINSI YA KUJUA WAKATI UJAO



144

Waweza kuwa na matumaini yote katika Mungu huyu.

Waweza kumtegemea Mungu huyu.

Waweza kutulia kwa usalama kabisa mikononi mwake.

Anakuita leo.

Anakualika uje leo.

Anavuta moyo wako sasa.

Je, ungependa kusema, Ndiyo, Bwana,
Nitakutegemea wewe kikamilifu. Ninatoa maisha
yangu kwako sasa hivi tunaposali?